



Broj: JN1-03-16-7-3-16/23
Sarajevo, 25.5.2023.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-3-15/23, od 17.5.2023. u otvorenom postupku nabavke usluga štampanja i uvezivanja materijala za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-7-3-15/23, od 17.5.2023. i Okvirni sporazum za nabavku usluga štampanja i uvezivanja materijala za potrebe Parlamentarne skupštine BiH za period od 24 mjeseca, dodjeljuje se ponuđaču BLICDRUK d.o.o. Sarajevo, ul. Ćemaluša broj 8, 71 000 Sarajevo, IDB 4200108780006, čija ukupna cijena ponude za predmetnu nabavku iznosi 59.829,00 KM bez PDV-a odnosno 69.999.93 KM sa uračunatim PDV-om.

II.

- (1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 11.2. Tenderske dokumentacije za nabavku usluga štampanja i uvezivanja materijala za potrebe Parlamentarne skupštine Bosne i Hercegovine, broj: JN1-03-16-7-3-7/23, od 13.4.2023. i broj: JN1-03-16-7-3-9/23, od 19.4.2023.
- (2) Izabrani ponuđač je u okviru ponude dostavio original Izjave o ukupnom prometu za period posljednje finansijske godine (2022.), te se u tom smislu oslobađa obaveze dostave dokaza o kvalificiranosti iz ekonomske sposobnosti u navedenom roku.
- (3) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, Ugovorni organ će poništiti ovaj postupak nabavke.

III.

Prijedlog Okvirnog sporazuma dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka javne nabavke usluga štampanja i uvezivanja materijala za potrebe Parlamentarne skupštine Bosne i Hercegovine, broj: JN1-03-16-7-3/23, od 27.3.2023.. Ukupna procjenjena vrijednost javne nabavke iznosila

je 59.829,06 KM bez PDV-a (70.000,00 KM sa PDV-om) za period 24 mjeseca. Komisija za nabavke imenovana je Rješenjem Kolegija Sekretarijata, broj: JN1-03-16-7-3-2/23, od 28.3.2023. Javna nabavka provedena je putem otvorenog postupka nabavke. Tenderska dokumentacija Ugovornog organa, broj: JN1-03-16-7-3-7/23, od 13.4.2023. objavljena na Portalu javnih nabavki kao i Obavještenje o nabavci, broj: 166-1-2-6-3-26/23, od 13.4.2023., dok je sažetak Obavještenja o nabavci objavljen u „Službenom glasniku BiH“, broj 28/23, od 24.4.2023.

Dana 17.4.2023. ponuđač „Kula Mont“ d.o.o. Zenica je putem punomoćnika advokata Adnana Hodžića podnio žalbu na Tendersku okumnetaciju, koju je Ugovorni organ odbacio Zaključkom, broj: JN2-03/a,03/14-16-7-1-2/23, od 18.4.2023., a slijedom čega je izvršena Izmjena Tenderske dokumentacije Ugovornog organa pod brojem: JN1-03-16-7-3-9/23, od 19.4.2023., te istog dana objavljena na Portalu javnih nabavki. Tendersku dokumentaciju za nabavku usluga štampanja i uvezivanja materijala za potrebe Parlamentarne skupštine BiH, odnosno Izmjenu Tenderske dokumentacije sa Portala javnih nabavki preuzelo je ukupno 18 ponuđača. Do termina zakazanog za predaju ponuda odnosno do 8.5.2023. do 10,00 sati pristigle su tri ponude i to:

Redni broj zaprimanja ponuda	Naziv i sjedište ponuđača
1.	BLICDRUK d.o.o. Sarajevo, ul. Ćemaluša 8, 71 000 Sarajevo
2.	PRINTERA d.o.o., ul. Cara Dušana bb, 71 123 I. Sarajevo
3.	IMPRESSUM, ul. Nova Bila bb, 72 276 Nova Bila

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-3-10/23, od 8.5.2023., Zapisnik o otvaranju ponuda, broj: JN1-03-16-7-3-11/23, od 8.5.2023., i Zapisnik o pregledu i ocjeni ponuda, broj: JN1-03-16-7-3-15/23, od 17.5.2023., sa preporukom o izboru najpovoljnijeg ponuđača.

Zadnjim navedenim zapisnikom konstatovano je da je **Ponuda ponuđača IMPRESSUM, broj: 5-5/23, od 5.5.2023.** u skladu s članom 2. tačka 1) Zakona o javnim nabavkama **neprihvatljiva** za ugovorni organ, jer iznosi 66.143,75 KM (ponuđač nije u sistemu PDV-a), što je iznad planirane procjenjene vrijednosti ove nabavke u iznosu od 59.829,06 KM bez PDV-a, a istovremeno **i nepravila**, jer ista nije u skladu s Tenderskom dokumentacijom odnosno ne sadrži kopiju ponude koja je zahtijevana u tački 15. Tenderske dokumentacije Ugovornog organa, broj: JN1-03-16-7-3-7/23, od 13.4.2023. i broj: JN1-03-16-7-3-9/23, od 19.4.2023.

Zapisnikom o pregledu i ocjeni ponuda konstatovano je da je **Ponuda ponuđača PRINTERA d.o.o. Istočno Sarajevo, bez broja, od 5.5.2023., takođe neprihvatljiva** za ugovorni organ iz razloga što ponuđač nije tehnički opremljen za pružanje usluga offset štampe u boji, jer u svojoj Izjavi o ispunjenosti uslova iz člana 50. tačka e) Zakona navodi da je za tu svrhu tehnički opremljen mašinama: Ricoh PRO C7100 (Heidelberg Linoprint) digitalni offset i Ricoh Pro C751, koje prema mišljenjima ovlaštenih distributera za Ricoh aparate ne mogu štampati offset štampu, čime nije ispunio jedan od zahtijevanih uslova tehničke i profesionalne sposobnosti ponuđača po članu 48. i 50. Zakona, kako predviđaju tač. 13.3. i 14. pod 9. Tenderske dokumentacije Ugovornog organa, broj: JN1-03-16-7-3-7/23, od 13.4.2023. i broj: JN1-03-16-7-3-9/23, od 19.4.2023.

Istim zapisnikom je konstatovano da je **Ponuda ponuđača Blicdruk d.o.o. Sarajevo, broj: 98/23, od 3.5.2023. prihvatljiva** za Ugovorni organ, jer ispunjava sve formalno pravne, lične, ekonomsko-finansijske i tehničke/profesionalne uslove, odnosno zahtjeve ugovornog organa. Također u Zapisniku o pregledu i ocjeni ponuda navedeno je da su izvršene računске ispravke u ponudama ponuđača Printera d.o.o. Istočno Sarajevo i Impressum, te da je nije provedena planirana E-aukcija, u skladu s članom 3. stav (3) Pravilnika o uslovima i načinu korištenja E-

aukcije („Službeni glasnik BiH“, broj 66/16), iz razloga što je za samo jednu ponudu utvrđena prihvatljivost.

U Zapisniku je sadržano i to, da Komisija, zbog prihvatljivosti samo jedne ponude, nije provodila ni fazu vrednovanja i rangiranja prihvatljivih ponuda (po kriteriju „Najniža cijena“ i prema rezultatima E-aukcije), te je konstatovano sljedeće:

Ponudač	Opis predmeta nabavke	Ukupna konačna cijena ponude bez PDV-a (E-aukcija nije održana)	Popust	Ukupna konačna cijena ponude s PDV-om (E-aukcija nije održana)
BLICDRUK d.o.o. Sarajevo Ponuda, broj: 98/23, od 3.5.2023.	Usluge štampanja i uvezivanja materijala za period 24 mjeseca prema tehničkoj specifikaciji -Aneks 2. Obrazac za cijenu ponude (38 vrsta usluga)	59.829,00 KM	0,00 KM	69.999,93 KM

Shodno navedenom, Komisija za nabavke preporučila je Kolegiju Sekretarijata (Zapisnik, broj: JN1-03-16-7-3-15/23, od 17.5.2023. u prilogu), da u postupku nabavke usluga štampanja i uvezivanja materijala za potrebe Parlamentarne skupštine BiH, donese Odluku o izboru najpovoljnijeg ponuđača za BLICDRUK d.o.o. Sarajevo, ul. Ćemaluša broj 8, 71 000 Sarajevo, IDB 4200108780006, čija ukupna cijena ponude za predmetnu nabavku, iznosi 59.829,00 KM bez PDV-a odnosno 69.999,93 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se ponuđač Blicdruk d.o.o. Sarajevo izabere za realizaciju javne nabavke usluga štampanja i uvezivanja materijala za potrebe Parlamentarne skupštine Bosne i Hercegovine putem Okvirnog sporazuma zaključenog s jednim ponuđačem na period od 24 mjeseca, te je odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- BLICDRUK d.o.o. Sarajevo, ul. Ćemaluša 8, 71 000 Sarajevo
- PRINTERA d.o.o. Istočno Sarajevo, ul. Cara Dušana bb, 71 123 I. Sarajevo
- IMPRESSUM, ul. Nova Bila bb, 72 276 Nova Bila
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____